

欽定歷代職官表

三

11

5保 4
4544
13



1344
13

欽定歷代職官表卷三十九

內務府上駟院表

上	表	<small>校人中 大夫</small>
院	秦	
駟	漢	
院	後漢	
表	國	
	晉	
	宋齊	
	魏	
	齊	
	後周	
	隋	<small>驛驛牧開殿使 儀同大總監 都督 都督 都督</small>
	唐	<small>驛驛牧開殿使 飛龍使</small>
	奉	
	宋	<small>驛牧司 總領內尚廄局 驛牧所 御馬監</small>
	遼	<small>驛牧司 總領內尚廄局 驛牧所 御馬監</small>
	金	<small>驛牧司 總領內尚廄局 驛牧所 御馬監</small>
	元	<small>驛牧司 總領內尚廄局 驛牧所 御馬監</small>
	明	<small>驛牧司 總領內尚廄局 驛牧所 御馬監</small>



職官表卷三十九

內務府上駟院表

廣雅書局

皇子乘馬一廄

南苑御馬六廄

御驃二廄小馬一廄駑馬六廄

儀仗馬一廄又有大凌河牧羣上都達布遜諾爾達里岡崖

牧羣各設有總管翼領牧長牧副等員皆歸上駟院統轄

堂郎中一人主事二人委署主事一人左司右司員外郎各二

人主事各一人委署主事各一人筆帖式二十二

堂郎中主事掌辦理揀選補放及稽查馬匹錢糧文移檔

案等事左司員外郎主事掌內外羣廄游牧處馬駝數目

及定議賞罰之事右司員外郎主事掌員役俸廩馬駝草

豆稽核奏銷之事康熙十六年設員外郎四人主事一人

二十四年設郎中一人增設員外郎二人三十三年分爲

左右二司增設主事三人三十八年裁員外郎二人五十

九年設委署主事三人雍正元年增一人尋裁乾隆二十

二年仍設委署主事三人筆帖式康熙十六年以來陸續

增置

上駟侍衛二十一人司鞍長三人六品職銜廄長十七人牧長五人

副牧長五人牧廄副四十五人蒙古醫生頭目三人六品職銜

上駟侍衛掌演習御馬廄長等官掌時其芻牧謹其出入

以聽堂司之政令康熙三十三年設辦理堂務上駟侍衛

四人辦理二司事務各二人後增設七人乾隆二年增設

六人廄長牧長以下康熙十六年以來陸續增置

歷代建置

三代

周禮夏官校人中大夫二人上士四人下士十有六人府四人史八人胥八人徒八十人掌王馬之政辨六馬之屬種馬一物戎馬一物齊馬一物道馬一物田馬一物駕馬一物凡頒良馬而養乘之乘馬一師四圉三乘為阜阜一趣馬三阜為馭馭一馭夫六馭為廢廢一僕夫六廢成校校有左右駕馬三良馬之數麗馬一圉八麗一師八師一趣馬八趣馬一馭夫天子十有二閑馬六種○趣馬下士阜一人徒四人掌贊正良馬而齊其飲食簡其六節○牧師下士四人胥四人徒四十人掌牧地皆有厲禁而頒之

大四百二十九

○庾人下士閑二人史二人徒二十人掌十有二閑之政教以阜馬佚特教駢攻駒○圉師乘一人徒二人掌教圉人牧馬○圉人良馬匹一人駕馬麗一人掌養馬芻牧之事○馬質中士二人府一人史二人賈四人徒八人掌質馬○巫馬下士二人醫四人府一人史二人賈二人徒二十人掌養疾馬而乘治之相醫而藥攻馬疾受財于校人○馭夫中士二十人下士四十人掌分公馬而駕治之注乘調六種之馬

春秋左氏昭七年傳馬有圉牛有牧

鄭康成周禮注趣馬下士馭夫中士則僕人上士也賈公彥疏序官無僕夫士數之文以此文官尊者馭卑者馭夫

既中士則僕夫上士可知

謹案成周馬政掌於夏官司馬自校人以下各司厥職曰掌王馬之政曰掌十有二閑之政教蓋惟天子供御之馬以校人諸官掌之故鄭注以王路駕種馬戎路駕戎馬金路駕齊馬象路駕道馬田路駕田馬駑馬給宮中之役六馬之屬皆以天閑所牧養者為職其他行軍田役所需之馬則有邱甸出車之法掌自司徒而不為校人以下之所隸屬是校人諸官正今上駟院之職掌也通典諸書序馬官沿革校人諸職繫之太僕寺則以漢唐太僕皆兼主御馬因聯而及之今故以校人之職與太僕寺篇互見而證明其為天閑之職掌者如此至

馭夫掌馭應入鑾儀衛篇以其兼掌乘調六馬實與今之上駟侍衛相近而校人職中亦有馭一馭夫之文是又為馬政之屬官故亦從附見焉

秦

謹案通典稱秦官有太僕正太僕丞而後世之尙乘局自秦以來其職皆在太僕是御馬之職秦時必以太僕主之但其先汧渭牧馬見於史記駟騏驎馬詠于風詩而一代官制則史傳闕如略無可考故僅能指溯其大概而不可復詳焉

漢

〔漢書百官公卿表〕太僕屬官有大廄未央家馬三令各五

丞一尉

師古曰家馬者主供天子私用非大祀戎事軍國所須故謂之家馬也

又龍馬閑駒

橐泉駒駉承華五監長丞

如淳曰橐泉殿在橐泉宮下

中太僕掌皇太

后輿馬不常置也武帝太初元年更名家馬為桐馬

應劭曰主

乳馬取其汁桐治之味酢可飲因以名官也

〔漢書傅介子列傳〕介子以駿馬監求使大宛

〔王應麟玉海〕武帝以嚴安為騎馬令主天子之騎馬傅介

子為駿馬監金日磾拜馬監

〔三輔黃圖〕路輪殿在未央宮掌宮中輿馬亦曰未央殿漢

書曰武帝時期門郎上官桀遷為未央殿令

謹案漢舊儀未央與路輪為天子六殿之二則路輪殿

非即未央殿可知三輔黃圖謂路輪殿亦曰未央殿似

合而為一豈因路輪殿在未央宮遂得通名歟

〔三輔黃圖〕未央大殿在長安故城中漢官儀曰未央宮六

殿長樂承華等殿令皆秩六百石翠華殿大輅殿果馬殿

騎馬殿大宛殿軌梁殿胡河殿駒駉殿皆在長安城外霸

昌觀馬殿在長安城外都殿天子車馬所在中殿皇后車

馬所在

謹案漢舊儀天子六殿未央承華駒駉騎馬輅輪大殿

百官公卿表有家馬龍馬閑駒橐泉等名而三輔黃圖

又載有翠華殿大輅殿果馬殿大宛殿軌梁殿胡河殿

霸昌觀馬殿為漢儀漢表所不及載可以補漢制之闕

〔玉海中殿令〕祕彭祖為之

漢書百官公卿表水衡都尉屬官有技巧六廩令丞成帝建始二年省技巧六廩官

顏師古漢書注漢舊儀云天子六廩未央承華駒駘騎馬輅輪大廩也馬皆萬匹據此表太僕屬官已有大廩未央輅輪騎馬駒駘承華而水衡又云六廩技巧官是則技巧之徒供六廩者其官別屬水衡

劉攽漢書刊誤表敘水衡九屬官技巧六廩各一物也後省技巧六廩顏遂謂此都是一官非矣蓋上林自有六廩一令丞主之後六廩等各別有官非此六廩也

謹案漢御馬掌于太僕其屬官如諸牧苑令丞牧橐令丞等分主國馬別見于太僕寺表至如大廩未央騎馬

閑駒等令丞則皆以御馬爲職是正今日上駟院之比而駿馬監騎馬令中太僕等官皆親近宮禁之職掌也惟史言六廩馬皆萬匹武帝承文景蓄積海內殷富廩馬有四十萬匹因發數十萬騎追擊匈奴則六廩之馬亦並以供行軍之用蓋其時國馬御馬總掌其成于太僕爲職不分故聯而及之也橐泉廩之在橐泉宮下大廩未央等六廩之主于水衡蓋各以其廩地牧地之所在屬之而其制又可考見矣顏師古以水衡之技巧六廩爲一官謂以技巧供六廩則如後世象馬舞馬之比劉攽以水衡別有六廩令丞非卽太僕之六廩則技巧與廩令兩不相屬視顏義尤爲諦審焉

後漢書百官志未央殿令一人六百石本注曰主乘輿及

殿中諸馬漢官曰員吏七十人卒騶二十人長樂殿丞一人漢官曰員吏十五人卒騶

二十人皆菑苑官舊有六殿皆六百石令中興省約但置

一殿後置左駿殿別主乘輿御馬後或併省

袁宏後漢紀靈帝初置駮驥殿丞領受郡國調馬而豪右

辜擢馬一匹至二百萬

謹案後漢百官志但載未央長樂二殿名而駮驥殿之

置丞獨見於此

古今注漢安元年七月置承華殿令秩六百石玉海引此今本古今

注無之

謹案順帝紀漢安元年置承華殿東觀記曰時以遠近

獻馬眾多圍殿充滿始置承華殿東京賦云駮承華之

蒲梢注殿名即謂此也但攷張衡傳衡卒于永和四年

下距漢安元年凡四年衡東京賦內已有承華之名則

承華殿之設當在漢安元年之前矣順帝紀謂漢安元

年始置承華殿豈舊有此殿至漢安元年始更新之而

因以置令乎

杜佑通典東京有未央殿令掌乘輿及宮中之馬

謹案東漢裁六殿止存未央長樂一令一丞而左駿殿

令或置或併蓋自光武卻駿馬以駕鼓車而殿置日省

故主乘輿御馬之職其可考見者止此其隸于太僕則

與西漢並同至通典言未央殿令并主宮中之馬則中

廄太僕亦其所兼掌矣

三國

魏都賦冀馬填廄而駟駿注鄴城西下有乘黃廄

通典魏官第九品總章戲馬監

唐六典漢未央令魏改為乘黃廄乘黃古之神馬因以為名

通典漢有未央廄令魏改為驊駟廄

謹案魏改東漢之未央廄令為乘黃署為驊駟廄乘黃以神馬為名實兼主乘輿車輅故互見于鑾儀衛篇驊駟廄為後代龍廄內廄之所自始而晉宋以後遂分屬門下省則正上駟院之職也總章戲馬監不詳職掌要為親近供御之馬矣

晉

晉書職官志太僕統乘黃廄驊駟廄龍馬廄等令自元帝渡江之後或省或置太僕省故驊駟為門下之職

謹案晉制以太僕兼掌御馬與漢魏同其龍馬廄承漢制而乘黃驊駟則承魏制也通典言宋以後驊駟為門下之職今考晉書所載自渡江省太僕而驊駟改隸是分屬門下固始于東晉時矣

宋齊梁陳

宋書百官志驊駟廄丞一人

通典自宋以後分驊駟署屬門下

齊職儀云乘黃獸名也龍翼馬身黃帝乘之而仙因以名
廄乘黃令品第七秩四百石

唐六典齊門下領內外驂駟廄

隋書百官志梁制門下省掌驂駟廄丞

通典梁太僕統龍廄內外廄陳因之

謹案江左以驂駟廄隸門下而梁陳仍有龍廄內外廄
屬於太僕蓋晉宋省太僕而梁仍置為卿于是御馬之
職分屬於門下與太僕也

北魏

洛陽伽藍記劉騰寺東有太僕寺寺東有乘黃署

冊府元龜魏太僕有驂駟廄令

通典魏官從八品驂駟左右龍諸署令

冊府元龜後魏獻文帝時呂文祖以勳臣子補龍牧曹奏
事中散

謹案史稱魏置野馬苑于雲中置牧地於河西馬三百
餘萬匹牧馬之盛無如後魏至御馬之職則仍以太僕
之驂駟龍署主之蓋承西晉之制而所云龍牧曹殆即
龍署令之職與

北齊

隋書百官志後齊制太僕寺統驂駟左右龍等署
乘令丞驂駟署又有奉承直長二人左龍署有左龍局右
龍署有右龍局並有都尉

通典北齊有驂駟左右龍等署驂駟署有奉御十人管十二閑馬

謹案齊與魏同制其左右龍蓋如今之左司右司驂駟署之奉御則如今之上駟侍衛也

後周

通典後周官正三命夏官左廡右廡上士正二命夏官左廡右廡中士正一命夏官左廡右廡閑長下士

唐六典典牧署後周有左廡右廡上士

謹案後周官制皆取法于成周其典廡之屬于夏官者有士三等而校人中大夫則未有其職意者史文脫略遂不可考歟左廡右廡之所典蓋兼王馬與國馬故今

與太僕寺篇並見焉

隋

隋書百官志太僕寺統驂駟龍廡等署各署令二人丞二人驂駟牧置儀同及尉大都督帥都督等官煬帝減驂駟署入殿內尚乘局改龍署曰典廡署○尚乘局奉御二人正五品置左右六閑有直長十四人

通典驂駟左右龍等署隋如北齊○大業三年分門下太僕二司取殿內監名以為殿內省領尚乘等局領左右六閑及諸閑每局置奉御二人以總之置直長以貳之

謹案隋初以驂駟署隸太僕後改為尚乘局入殿內而隸于門下省其所掌為左右六閑正為供御之職而又

併入于諸閑則所隸又廣矣通典言隋太僕制如北齊則史所謂龍署者固亦有左右龍之分掌也至驂駟牧置儀同都督等官則與今上駟院之設為卿職者亦髣髴相近故並著焉

唐

舊唐書職官志殿中監尚乘局奉御二人從五品上直長一人

正七品下奉乘十八人正九品下司庫一人正九品下司廩二人正九品下書

令史一人書吏十四人奉御掌內外閑廄之馬辨其麤良

而率其習馭直長為之貳一日左右飛黃閑二日左右吉良閑三日左右駒駟閑五日左右

右駟驪閑六日左右天苑閑開元時仗內六閑凡秣馬給

料以時為差凡外牧進良馬印以三花飛風之字而為志

奉乘掌稟積出納獸醫掌療馬病初尚乘局掌六閑馬後

馬開元初以尚乘局隸閑廄使乃省尚乘其左右六閑及

局官並隸閑廄使領之也進馬舊儀每日尚乘以廄馬八

匹分為左右廂立于正殿側宮門外候仗下即散若大陳

設即馬在樂懸之北與大象相次進馬二人戎服執鞍侍

立于馬之左隨馬進退雖名管殿中其實武職用資蔭簡

擇如干牛備身天寶八載李林甫用事罷立仗馬亦省進

馬官十二載楊國忠當政復立仗馬

及進馬官乾元復省上元復置也

通典隋置尚乘局唐因之增置奉御四人龍朔二年改為

奉駕大夫咸亨元年復舊掌六閑馬開元中減二人先是別置

廄使因隸焉猶屬殿中武后萬歲通天二年五月置仗內

廄二年改為少監閑廄直長隋置十四人唐減四人

使自後他官相循為之

雍錄飛龍廄後苑有驥德院所在韋后入飛龍廄蓋自元

武門出宮入廄也

玉海貞觀十三年三月吉良廐產白馬朱駿

謹案山海經犬戎之國有文馬縞身朱鬣目若黃金名

曰吉彊

彊或作良

乘之壽千歲唐有左右吉良閑義昉于此

冊府元龜肅宗至德二年詔園苑內有閑廐使總監各據所管地界耕種收草粟以備國馬○代宗大厯十四年復置廐馬隨仗於月華門○文宗開成元年以飛龍使馬二百匹賜京兆府充給諸驛○四年飛龍進請監牧馬一歲馬二千七百匹

謹案自秦漢以來馬政皆主于太僕惟東晉宋齊或省太僕則以隸于門下至梁陳仍以太僕卿主之其驛驪廐之改隸廐內省自隋始而唐則仍之但隋改驛驪爲

尙御尙由廐內以隸于門下省唐則廐中自爲立省不隸門下于是御馬之制既不復繫屬於太僕門下而專爲廐中省之專司與今日上駟院之專隸于內務府者法意較爲相近唐又嘗置閑廐使屬廐中而以尙乘奉御隸之又嘗罷尙乘而以內外閑廐使專主其事總之皆爲廐中之屬稍有變更而其制不大相殊也至其後領閑廐者多爲左右親暱之人不必盡以廐中掌領于是有控鶴監有控鶴左右監後改爲天驥府又改爲奉宸大夫見通典則非經常之制不足備列至文宗時又有飛龍廐使不言所隸何省蓋亦專司御馬之職也

五季

冊府元龜後唐明宗卽位以康福爲飛龍使○長興元年分飛龍廄爲左右以小馬坊爲右飛龍院○後周顯德二年詔飛龍院馬有病患老弱可送同州沙苑監衛州牧馬監以盡其飲齧之性

謹案五季廢省諸卿殿中奉御之職皆所不設惟飛龍使仍唐之舊爲御馬之職冊府元龜又載天成二年宰臣任圜奏藩牧臣寮每正至慶賀例皆進馬備乘奉于帝車資駟駿於天廄道途之役護養爲難請改貢綾絹金銀隨土產折進馬之直兼請別選孳生馬分置監牧敕從之是天成以後供奉之馬亦並散隸於諸監牧中矣

宋

馬端臨文獻通考宋太僕寺邦國廄牧之政令分隸羣牧司騏驎院本寺但掌天子五輅元豐改官制置卿少卿丞主簿掌車輅廄牧馬政之令所隸官司騏驎院左右天駟監掌養國馬鞍轡庫掌御馬鞍轡及給賜臣下上下監掌治療馬病元祐初置左右天廄坊紹聖初置孳生監中興後廢太僕併入兵部○宋有羣牧司制置使以樞密使副爲之掌內外廄牧之事周知國馬之政而察其登耗左右騏驎院勾當官各三人以諸司使副及內侍充掌牧養國馬以供乘輿及頒賜王公羣臣蕃夷之用天駟左右四監監官各一人左右天廄坊監官各一人牧養上下監官各

聯珠表卷三十一
一人並以三班使臣充○兵部駕部建炎三年併太僕寺
隸焉太僕有騏驎車輅二院左右騏驎院監官二員以武
臣充掌司國馬總教駮四指
揮之眾以○宋制殿中省尙乘歸騏驎院內鞍轡庫
養餼諸馬○宋會要左右飛龍院興國五年改名天廄院雍熙二年十
月丙辰改爲左右騏驎院左右各領天駟二監天廄一坊
舊制國馬之政皆騏驎二院監官專之

謹案宋御馬之掌始終更易凡三其初爲羣牧司制置
使所轄有左右騏驎院天駟左右四監左右天廄坊等
官則並掌於樞密院副使元豐定官制以後始改隸于
太僕寺卿官屬有十而騏驎等院隸焉中興以後又廢
太僕改隸于兵部之駕部有騏驎車輅二院然職司雖
存月遣司官一至而已是始終三變而其職益輕也其
他則有河南飛龍院大名養馬務諸職蓋皆羣牧司之
所掌至于殿中省六尙之局獨裁去尙乘而以其事歸
騏驎院此與前代互異之大概也

遼

遼史百官志遼北面著帳官承應小底局習馬小底○諸
廄官尙廄使尙廄副使○飛龍院飛龍使飛龍副使○總
領內外廄馬局總領內外廄馬○南面官殿中司尙乘局
奉御

謹案遼有諸路羣牧使司職主馬政爲今太僕寺之掌
其北面官之尙廄飛龍等使自爲御馬之職而總領內

外廐則又總其事而兼轄之者也南面又有太僕寺官
但既有殿中司之尙乘局則太僕寺所掌自不與御馬
相關故不復載焉

金

金史百官志殿前都點檢司尙廐局提點正五品副使從

六品掌御馬調習牧養以奏其事大定二十九年添副直使一員管小馬羣

長一員司馬牛羣掌廐都轄正九品不限員副轄從九品不限員數

資考

謹案金代馬政皆轄于羣牧司唯尙廐局提點屬于殿
前都點檢猶前代殿中奉御之職蓋用遼制而名之曰
尙廐也其所掌爲御馬之調習牧養而併供其事是正

今日上駟院之職也

元

元史百官志太僕寺秩從二品中統四年設羣牧所至元

十六年改尙牧監十九年又改太僕院二十年改衛尉院

二十四年罷院立太僕寺又別置尙乘寺以管鞦轡而本

寺止管阿都齊滿洲語牧馬人也原馬作阿塔思今改正

蘇天爵經世大典序錄太僕典御馬太廟祀事及諸寺影
堂用乳酪則供牝馬駕仗及宮人出入則供上乘馬供上
及諸王百官捫乳取黑馬乳以奉王食謂之細乳諸王百
官者謂之粗乳

謹案元史所載馬政官制頗爲簡略其太僕寺由羣牧

所改設而兼典御馬是今太僕上駟二職在元皆為太僕寺之掌今故與太僕寺篇互見至尙乘寺特設為卿而專管鞍轡近於今鑾儀衛武備院之職茲故不復載焉

明

明史職官志官官十二監御馬監掌印監督提督太監各一員騰驤四衛營各設監宮掌司典簿寫字駑馬等員象房有掌司等員

明會典馬政有太僕苑馬寺專理而統於兵部若內廄馬匹則領於御馬監部寺不得與云

王圻續文獻通考吳元年設御馬司司正正五品副從五品洪

武二年置御馬司正一人副二人十七年御馬監設令一

人正七品丞一人從七品司牧局設大使一人正九品皆於內官

內選用二十八年御馬監設太監一人正四品左右少監各

一人從四品左右監丞各一人正五品典簿一人正六品又設長

隨奉御正六品

謹案列代御馬之名其沿革皆可詳考自成周時王馬掌於校人十有二閑上應天駟其職重矣秦漢以後皆立太僕以專其政則王馬國馬咸並掌之而漢之橐泉未央及水衡之六廄孳牧漸廣當時任其職者皆以士大夫親近用事者為之與衛尉少府並重後漢省六廄惟置未央一廄又兼主乘輿車輅其馬政視前漢為較

省自魏有驛廄而晉以下因之其後遂爲門下之職與太僕之龍廄並列至隋而始立尙乘奉御專屬于門下之殿內省至唐而殿中監尙乘局并爲特設又不與門下相屬而太僕遂不復主御馬之政宋之騏驎天駟院由羣牧司而改隸太僕由太僕而改隸兵部而羣牧司之勾當官已有以內侍充其職者矣遼金尙廄諸使或領于北面著帳官或領于殿前都點檢司而元則仍歸其職于太僕此列代建置之大槩也迨至明代兵部太僕寺苑馬寺皆有牧場孳育而御用之馬則別設內監專以宦官主之凡諸調習供奉士大夫不得與聞其事蓋自明初定制已然其於成周綴衣虎賁休茲知恤

侍御僕從固非正人之義渺無復存視列代之列於卿監掌於朝官者法制皆爲不逮矣我

朝初改御馬監爲阿敦衙門後易爲上駟院定爲三品卿職設郎中員外主事等官以分司其職而仍統之以大臣所以慎重開馴馴養而服習之法制至爲詳備云

欽定歷代職官表卷三十九

太倉錢清貽初校
南海桂 玷覆校
番禺陶福祥再覆校

欽定歷代職官表卷四十

內務府奉宸苑表

奉	三	宸	苑	卿
	秦			
	漢			
	後漢			
	三國			
	晉			
	宋齊			
	梁陳			
	魏			
	齊			
	隋			
	唐			
	宋			
	遼			
	金			
	元			
	明			

水衛都水衛都水使尉尉

苑總監諸宮苑提舉監

四園苑上林苑提舉監詳衣都監

上林苑監正

職官表卷四十

內務府奉宸苑表

廣雅書局

奉宸苑	中郎	外郎	主事	各園	苑	丞	副苑
中人	中人	中人	中人	中人	中人	中人	中人
鈞盾令	鈞盾令	鈞盾令	鈞盾令	鈞盾令	鈞盾令	鈞盾令	鈞盾令
水衡都尉丞	水衡都尉丞	水衡都尉丞	水衡都尉丞	水衡都尉丞	水衡都尉丞	水衡都尉丞	水衡都尉丞
上林苑	上林苑	上林苑	上林苑	上林苑	上林苑	上林苑	上林苑
華林苑	華林苑	華林苑	華林苑	華林苑	華林苑	華林苑	華林苑
清潭苑	清潭苑	清潭苑	清潭苑	清潭苑	清潭苑	清潭苑	清潭苑
華林署	華林署	華林署	華林署	華林署	華林署	華林署	華林署
上林署	上林署	上林署	上林署	上林署	上林署	上林署	上林署
宮苑司	宮苑司	宮苑司	宮苑司	宮苑司	宮苑司	宮苑司	宮苑司
上林苑	上林苑	上林苑	上林苑	上林苑	上林苑	上林苑	上林苑
監丞	監丞	監丞	監丞	監丞	監丞	監丞	監丞
司苑局	司苑局	司苑局	司苑局	司苑局	司苑局	司苑局	司苑局

庫掌	長	筆	帖	式	織	染	局	員	外郎
上林署	上林署	上林署	上林署	上林署	上林署	上林署	上林署	上林署	上林署
夫	夫	夫	夫	夫	夫	夫	夫	夫	夫
書令史	書令史	書令史	書令史	書令史	書令史	書令史	書令史	書令史	書令史
平准令	平准令	平准令	平准令	平准令	平准令	平准令	平准令	平准令	平准令
司色司	司色司	司色司	司色司	司色司	司色司	司色司	司色司	司色司	司色司
織染署	織染署	織染署	織染署	織染署	織染署	織染署	織染署	織染署	織染署
染院監	染院監	染院監	染院監	染院監	染院監	染院監	染院監	染院監	染院監
織染署	織染署	織染署	織染署	織染署	織染署	織染署	織染署	織染署	織染署
內織染	內織染	內織染	內織染	內織染	內織染	內織染	內織染	內織染	內織染
錄事	錄事	錄事	錄事	錄事	錄事	錄事	錄事	錄事	錄事
典簿	典簿	典簿	典簿	典簿	典簿	典簿	典簿	典簿	典簿

職官表卷四十一

內務府奉宸苑表

廣雅書局

瀛臺長河

玉泉山稻田廠

南苑

圓明園

暢春園

清漪園等處事務

郎中二人員外郎四人主事一人委署主事一人苑丞十三人

初正八品乾隆三十六年定為六品職銜食八品俸筆帖式十五人

玉泉山稻田廠庫掌一人正六品筆帖式三人

郎中主事掌本苑題奏各行補授職員之事員外郎掌分管各處園圍河道事務苑丞掌看守直宿陳設器皿之事

稻田廠庫掌辦理稻田蒔種儲藏之事郎中康熙三十

三年設一人乾隆十六年設一人員外郎主事康熙二十

三年設委署主事四十年設雍正十二年裁乾隆二十二

年仍設初設催總二人雍正二年以後陸續增設乾隆十

七年改名總領二十四年改為苑丞筆帖式

國初以來先後增置

南苑郎中一人員外郎二人主事一人委署主事一人苑丞三

人苑副六人正八品筆帖式五人

郎中員外郎主事掌本苑官職陞除及分管九門草甸圍

墻樹木牲獸之事苑丞苑副掌看守直宿陳設器皿諸事

初屬內監管理順治十八年屬採捕衙門康熙二十三年

歸併奉宸苑員額順治十八年以來先後增設

圓明園管理事務大臣無定員郎中一人協理事務郎中一人

主事一人委署主事一人苑丞六人六品苑副十七人七品五人八品六人

九品筆帖式九人掌庫二人六品一人七品一人

長春園熙春園綺春園春熙院管理事務員外郎一人苑丞三

人六品二人七品一人苑副九人七品八品九品各三人筆帖式四人

暢春園管理事務郎中一人苑丞四人六品一人七品三人苑副六人署

苑副十六人筆帖式六人

清漪園靜明園靜宜園管理事務員外郎各一人苑丞九人六品正

苑副十人七品八人八品二人筆帖式四人學習筆帖式二人催長二

人八品一人未入流一人

郎中員外郎等官分掌園庭事務職守與本苑司官同

圓明園額雍正三年以來先後置設

暢春園額康熙年間定

清漪園額乾隆十六年以來陸續增定

織染局員外郎無定員由總管大臣奏委司庫一人筆帖式三人庫使

六人司匠二人領催二人

掌織造

上用段紗染絲繡繪之事順治十八年設康熙三年歸內務

府管理乾隆十六年移織染局於

萬壽山初設員外郎一人乾隆十六年裁以

萬壽山總理大臣兼管其辦事員外郎由該大臣奏委司庫

以下員額康熙三年以後陸續增定

歷代建置

三代

周禮地官囿人中士四人下士八人府二人胥八人徒八

十人掌囿游之獸禁鄭康成注囿游囿之離宮小苑觀處也養獸以宴樂視之禁者其蕃衛也

牧百獸注備養眾物也今掖庭有鳥獸自熊虎孔雀至於狐狸鳧鶴備焉賈公彥疏古謂之囿漢家謂之苑

周禮天官閽人王宮每門四人囿游亦如之注囿御苑也游離宮也

詩大雅靈臺王在靈囿鹿攸伏鹿濯濯白鳥翯翯王

在靈沼於物魚躍毛萇傳囿所以域養禽獸靈囿言靈道

行於囿也

晉語文王詢於八虞注周八士皆在虞官伯達伯适仲突

仲忽叔夜叔夏季隨季駟

賈誼新書駟者文王之囿虞者囿之司獸

謹案天文志言天苑十六星在昴畢南為天子之苑囿

劉向說苑有黃帝卽位鳳集東囿之文淮南子秦族訓

云湯初作囿以奉宗廟簡士卒習射御戒不虞蓋苑囿

之由來久矣苑囿既設則必立官以司之此周禮囿人

之所為制也囿游之禁屬地官而閽人每門四人仍屬

於天官蓋牧養禽獸之苑皆必有離宮禁宇以為游息

之所故嚴其門禁而特置閽人所以重其職掌也考周

囿莫著於靈臺而駟虞之詩漢初諸儒或以為園駟之

虞官是司獸而非卽獸也然則文王司囿之官實名為

虞晉語文王詢於八虞是其證也考詩正義引詩譜堯時有伯翳者實皋陶之子佐禹治水土既平舜命作虞官掌上下草木鳥獸然則堯時已有虞官不始於文王矣文王仍襲虞官舊名至成王時而始名爲圉人其說蓋可並存之以備參考焉

周禮天官染人下士二人府二人史二人徒二十人掌染絲帛凡染春暴練夏纁元秋染夏冬獻功掌凡染事○典絲下士二人府二人史二人賈四人徒二十人掌絲入而辨其物以其賈楬之

周禮地官掌染草下士二人府一人史二人徒八人掌以春秋斂染草之物以權量受之以待時而頒之

謹案列代皆有織染之官而實始於成周之典絲染人蓋黼黻絺繡元纁織編自禹夏時已重其章采而設官則始見於周時我

朝內府廣儲司之六庫已有衣段織造等官而內織造局特移設於

萬壽山設員外郎等職而總轄於園苑大臣蓋因地設宜實爲

聖朝之勅制故詳序列代織染之官於篇中而仍以成周之染人爲始焉

秦

韓非子秦應侯請曰五苑之草著蔬菜橡果棗粟足以活

民請發之

左傳鄭有原圃猶秦之有具囿

三輔黃圖漢上林苑卽秦之舊苑也

長安志上林苑本秦舊苑也

雍錄東方朔傳曰武帝東游宜春師古曰宜春宮也在長安城東南上林賦曰息宜春師古曰宮名在杜縣東卽唐曲江也楊雄傳武帝東游宜春師古曰宜春近下杜也史記秦紀曰子嬰葬二世杜南宜春苑司馬相如從武帝至長楊獵還過宜春奏賦以哀二世其賦曰臨曲江之隈州望南山之參差師古曰曲岸之洲曲江也故賦末云弔二世持身之不謹兮墓蕪穢而不修也參數者言之則二世

之所葬相如之所賦漢之曲洲唐之曲江皆此下杜之宜春也下杜卽杜縣曲江宜春去杜縣近去下杜遠此凡及曲江宜春宮皆云下杜當是地屬下杜不屬杜陵耶其苑若宮皆秦創而漢唐因之也

杜佑通典秦置平準令掌知物價及主練染作彩色

謹案秦苑囿之官史傳未見韓非子載秦有五苑亦未詳其何名惟左傳載秦之具囿三輔黃圖長安志載秦之上林苑雍錄載秦之宜春苑今摭錄以存其大槩秦平準令兼主練染爲後世染令之所由昉故首列之

漢

漢書百官公卿表少府屬官上林中十池監又鈎盾令丞

謹案三輔黃圖上林苑有初池麋池牛首池蒯池積草池東陂池西陂池當路池太臺池郎池即百官公卿表所云上林中十池也而初學記又云漢上林有池十五所承靈昆靈天泉龍魚蒯菌鶴西陂當路東陂太一牛首積草舍利百子三輔黃圖不載承靈昆靈天泉龍魚菌鶴太一舍利百子初學記不載初池太臺池各有異同至漢表但載十池監其十五所或以十監統之歟漢書張釋之列傳從上登虎圈問上林尉禽獸簿不能對虎圈嗇夫從旁代尉對甚悉文帝詔釋之拜嗇夫為上林令釋之以為不可乃止不拜

漢書百官公卿表

水衡都尉 應劭曰古山林之官曰衡掌諸池苑故稱水衡張宴曰主

都水及上林苑故曰水衡主諸官故曰都有卒 武帝元鼎

二年初置掌上林苑有五丞屬官有上林均輸御羞禁圃

輯濯鍾官技巧六廢辨銅九官令丞

如淳曰御羞地名也 在藍田其土肥沃多出御物可進者楊雄傳謂之御宿三輔黃圖御羞宜春皆苑名也輯濯船官也鍾官主鑄錢官也辨銅主分別銅之種類也師古曰御羞在今長安城南御宿川羞宿聲相近故或曰御羞或曰御宿羞者羞珍所出宿者止宿之義輯濯皆所以行船也六 又衡官水司空都水農倉又甘泉上

林都水七官長丞皆屬馬上林有八丞十二尉均輸四丞御羞兩丞都水三丞禁圃兩尉甘泉上林四丞成帝建始二年省技巧六廢官王莽改水衡都尉曰予虞○步兵校尉掌上林苑門屯兵

謹案三輔黃圖御宿苑在長安城南御宿川中漢武為

離宮別館禁禦不得人往來游觀上宿其中故曰御宿
御羞之當作御宿黃圖疏義甚明故漢書元后傳夏游
御宿鄂杜之間亦作御宿可證羞宿之以音相誤也

〔史記平準書〕初大農筦鹽鐵官布多置水衡欲以主鹽鐵
及楊可告緡錢上林財物眾乃令水衡主上林

〔三輔黃圖舊儀〕曰上林有令有尉禽獸簿記其名數又有
上林詔獄主治苑中禽獸宮館之事屬水衡

謹案漢制少府有上林十池監文帝時有上林尉虎園
嗇夫至武帝別設水衡都尉專主上林苑設官遂以漸
廣考水衡所掌不獨園苑自禁錢農倉珍羞廩牧鼓鑄
皆其職守而統係之以上林苑苑職有水衡卿諸令丞

而又有步兵校尉掌苑門之屯兵至少府之鈞盾令主
近苑園則以近在宮門左右故不隸水衡我

朝定制內外苑園皆設司官專理而統之以奉宸苑卿蓋
合漢少府水衡所屬而歸於一職也

〔王應麟玉海〕織染署漢織室掌供冠冕組綬

謹案自隋代合織室染署爲一官在漢則東西織屬少
府平準屬大農其職不相兼理蓋亦沿秦之舊制也

〔後漢書百官志〕少府屬官鈞盾令一人六百石本注曰宦
者典諸近池苑園游觀之處丞永安丞各一人三百石本
注曰宦者永安北宮東北別小宮各有園觀苑中丞果丞
鴻池丞南園丞各一人二百石本注曰苑中丞主苑中離

宮果丞主果園鴻池池名在雒陽東二十里南園在雒水南濯龍監直里監各一人四百石本注曰濯龍亦園名近北宮直里亦園名也在雒陽城西南角

〔通典〕鈞盾令宦者典諸近園苑游觀之事屬少府後漢亦有之

〔張衡東京賦〕奇木珍果鈞盾所積

謹案昭帝紀耕鈞盾弄田屬之鈞盾則以鈞盾主苑囿故也成帝紀云未央宮鈞盾中則鈞盾在未央宮矣故五行志謂鈞盾禁中也陳咸傳咸為少府少府多寶物咸皆鈞校官屬及諸中宮黃門鈞盾掖庭官吏舉奏按論畏咸皆失氣鈞盾與黃門諸官並舉則以其在

未央宮切近之地也後漢志鈞盾令其所屬有鴻池承鴻池在雒陽東二十里南園承南園在雒水南有直里監直里園在雒陽城西南角鈞盾之兼轄諸地蓋令居禁中統遠近也

〔後漢書百官志〕上林苑令一人六百石本注曰主苑中禽獸頗有民居皆主之捕得其獸送太官丞尉各一人

〔通典〕後漢平準令丞隸入司農熹平四年改平準為中準使宦者為之列於內署自是諸署悉以閹人為令丞

謹案後漢罷水衡都尉之官置上林苑令屬之司農為歷代上林令之所自助而少府鈞盾令之所統轄視西漢為頗廣蓋水衡雖廢而其職掌則未嘗不存至平準

之改爲中準以宦者爲之則又少變前漢之法度也

三國

〔通典〕魏官第四品都水使者第七品都水參軍靈芝園監第八品都水使者令史第九品都水使者書令史

唐六典上林苑令主苑中禽獸魏因之

〔通典〕漢之水衡都尉本主上林苑魏氏主天下水軍舟師器械○魏少府屬官有平準令

謹案魏苑園置官承漢之舊亦名之爲上林苑令至漢之水衡都尉始改爲都水使者主水軍舟船器械不專以苑園爲職自是而後都水一官始別爲河渠水利而設矣鈞盾令於魏無聞其平準之屬少府則猶漢制也

又考魏都賦苑以元武陪以幽林注云元武苑在鄴城西又魏志文帝黃初四年冬甘露降芳林園臣松之案芳林園卽華林園齊王芳卽位改爲華林故晉書百官志有華林苑令鄴元武苑丞皆承魏苑園之名而設令丞豈魏本自有華林元武令丞而晉因之乎抑魏之華林元武亦統攝于上林苑令乎又考吳都賦數軍實乎桂林之苑注吳有桂林苑南朝宮苑記桂林苑在洛星山之陽南苑在臺城南鳳凰山然則吳又有桂林苑南苑之名當時必有苑官今不可考矣

晉

〔晉書百官志〕光祿勳統華林園等令○大鴻臚統華林園

鈞盾等令又有鄴元武苑丞○少府統平準等令

〔通典〕上林苑丞晉因之江左無聞

謹案晉志園苑之職光祿鴻臚皆有華林園令鴻臚又有鄴元武苑丞而瓊圃靈芝等園不與焉蓋皆統轄于華林令也通典又稱上林苑令晉與漢同而史志無之意卽華林之誤稱歟

宋齊梁陳

〔宋書百官志〕上林令一人丞一人漢西京上林中有八丞十二尉十池監丞尉屬水衡都尉池監隸少府漢東京曰上林苑令及丞各一人隸少府晉江左闕宋世祖大明三年復置隸尙書殿中曹及少府○平準令一人丞一人掌

染漢隸司農不知何世隸少府宋順帝卽位避帝諱改曰染署

〔通典〕上林苑令丞宋初復置齊因之○平準令宋惟掌染改曰染署齊又曰平準

〔隋書百官志〕梁制司農卿視散騎常侍主上林令又管樂游北苑丞○光祿卿統華林等令

〔通典〕上林苑令丞梁陳屬司農○平準署梁陳則曰平水令丞○晉大鴻臚有鈞盾令自後無聞

謹案晉江左無上林苑令丞至宋初復設而齊梁陳因之唯宋齊則統于殿中監及少府梁陳則屬于司農斯爲小異諸代皆有華林苑令梁屬光祿與晉制同以梁

職官表卷四十一
制推之知齊陳之皆屬光祿矣宋改平準為染署梁陳則復其舊要皆司農之屬官也

北魏

洛陽伽藍記建春門內御道南有勾盾典農籍田三署

謹案後魏官氏志有光祿鴻臚司農少府等官而不詳其所領之屬勾盾署僅見於洛陽伽藍記而苑令織染諸署皆不見于史考隋書百官志言北齊制官多循後魏則齊之所有當亦魏之所有今以史無明文故並缺之

北齊

隋書百官志後齊光祿寺統清漳華林等署諸令丞○司

農寺掌園地果實統平準太倉等署諸令丞○太府寺統司染等署諸令丞

通典北齊官正六品平準署令從九品華林署令

唐六典上林苑令梁陳屬司農北齊亦然

通典鈎盾令北齊如晉制

謹案北齊上林華林鈎盾等署與晉制皆同自魏廢少府立太府而少府屬官分在司農太府之屬齊蓋因之而不改也

後周

通典後周正四命冬官司色司織等下大夫正三命天官染工上士冬官司小司色小司織等上士正二命天官染工

中土地官掌禽掌園掌圃等中土冬官織綵織組等中土
正一命地官掌園掌圃等土冬官織綵織組等下士

謹案後周設官用周制故掌園掌圃屬于地官染工屬
于天官其以司色司織屬冬官者則以考工記有攻皮
之工設色之工故從而隸之今以其與織染相近故並
採錄焉

隋

〔隋書百官志〕司農寺統平準鈞盾華林上林等署令丞後
罷華林署以平準隸太府○太府寺統司染署令丞後分
入少府○少府監統司織司染等署後併司織司染為織
染署

〔唐六典鈞盾令〕隋如北齊

〔通典苑總監〕自隋而置東西南北各有監及副監掌苑內
宮館園池之事

謹案隋於上林華林諸署外又設苑總監副監分東西
南北四面監此因事增設前代所未有也隋又有都水
臺承漢之水衡都尉而設其所掌舟楫河渠不主園苑
之務故不復錄少府之司織司染併為織染署自是而
平準令專主管市易不復掌染故隋以後亦不更列焉

唐

〔唐書百官志〕司農寺上林署令二人從七品下丞四人從
八品下掌苑園池植果蔬以供朝會祭祀及尚食諸司

常料季冬藏冰千段先立春三日納之冰并以黑牡秬黍

祭司寒仲春啟冰亦如之監事十人有府七人史十四人典事二十四人掌固

五人鈞盾署令二人正八品上丞四人正九品上監事十人

掌供薪炭鵝鴨蒲葍陂池藪澤之物以給祭祀朝會饗燕

賓客有府七人史十四人典事十七人掌固五人○慶善石門溫泉湯池等監

每監監一人從六品下丞一人正七品下掌湯池宮禁防

堰及俯粟芻修調度以備供奉王公以下湯館視貴賤為

差凡近湯所潤瓜蔬先時而熟者以薦陵廟有錄事一人府一人史二人

四人掌固京都諸宮苑總監監各一人從五品下副監各一

人從六品下丞各二人從七品下主簿各二人從九品下

掌苑內宮館園池禽魚果木凡官屬八畜出入皆有籍有錄

事各二人府各八人史各十六人亭長各四人掌固各六人獸醫各二人

京都諸園苑監苑四面監監各一人從六品下副監各一人從七品下丞各二

人正八品下掌完葺苑面宮館園池與種蒔蕃養六畜之

事顯慶二年改青城宮監曰東都苑北面監明德宮監曰東都苑南面監洛陽宮農圃監曰東都苑東面監倉貨

監曰東都苑西面監有錄事各一人府各三人史各六人典事各六人掌固各六人

九成宮總監監一人從五品下副監一人從六品下丞一人從七品下主

簿一人從九品上掌修完宮苑供進鍊餌之事有錄事一人府三人

自監以下品同宮苑武德初改隋仁壽宮監曰九成宮監

長安志禁苑在宮城之北長安故城亦隸苑中有四面監

南面為長樂監北面有漢故城謂舊故宅監東西面各以

本方為名分掌宮中種植及修葺園苑等又置苑總監都

職官表卷四十一
統之皆隸司農寺

唐書百官志織染署令一人正八品上丞二人正九品上
掌供冠冕組綬及織絳色染錦羅紗縠綾紬純絹布皆廣
尺有八寸四丈爲疋布五丈爲端綿六兩爲屯絲五兩爲
鈎麻三觔爲緤凡綾錦文織禁示於外高品一人專莅之
歲奏用度及所織監作六人

有府六人史十四人典
事十一人掌固五人

雍錄唐大內有三苑西內苑也東內苑也禁苑也三者皆
在兩宮之北而有分別西內苑並西內太極宮之北而東
內苑則包大明宮東北兩面也兩內苑北門之外始爲禁
苑之南門也禁苑也者隋大興苑也其西則漢之長安四
城皆在包并之內苑東距霸而北抵渭廣輪所及自周一
百二十里而東西二十七里南北三十二里據所記如此
若以漢地約其道里當不啻此數也中置四監監分領一
方凡立四官四局以監之北軍營衛盡在三苑四監封畛
之內

謹案唐承隋制有京都諸宮苑總監副監京都諸園苑
監四面監及副監其曰宮苑者蓋指禁苑務言之園
苑則自都城以至東都各園苑皆分主之而上林署令
鈎盾署令及織染署則並仍前代之舊焉

五季

謹案五季官制缺略玉海所載後唐有永芳園周有玉
津園既有諸園則其必嘗置令置使以監理之可知也

職官表卷四十一
以史無明文故缺

宋

〔宋史職官志〕司農寺所隸官屬園苑四玉津瑞聖宜春瓊林苑使掌種植蔬蒔以待供進修飭亭宇以備游幸宴設謹案宋職官志載園苑四曰玉津曰瑞聖曰宜春曰瓊林而石林燕語載瓊林苑金明池宜春苑玉津園謂之四園獨不及瑞聖職官志亦不載金明池豈金明池在瓊林苑北亦統于瓊林苑使故職官志不復載歟

〔馬端臨文獻通考〕宋四園苑提舉官以三司判官內侍都知諸司使以上充監官各二人以諸司副或內侍三班使臣充又有西京宮苑司勾當官一人元豐後四園苑屬司

農

〔玉海〕玉津園在南薰門外周顯德中置之本朝因之三班及內侍監領兵校隸及主典二百六十人瓊林苑在順天門外道南乾德二年置以三班及內侍監領池苑兵校軍隸及主典三百三十三人宜春苑在朝陽門外道南本秦王園太平興國七年以迎春苑自通津門外汴水瀕乃遷置改名以其故地爲富國倉差三班及內臣監領軍校兵隸及主典凡二百九十人瑞聖園在景陽門外道東初爲北園太平興國二年詔名含芳以三班及內侍監領軍校兵隸及主典凡二百一十二人

謹案玉海又載祥符元年三月甲子上巳宴近臣於潛

龍園宗室於瓊林苑帥臣於宜春苑三司副使判官館閣官于玉津園諸司使副於含芳園然則祥符時于四園之外又增潛龍園史不詳其建置然觀宴近臣於其地則較之瓊林宜春玉津瑞聖爲尤重矣疑亦當以三班內侍領之也

宋史職官志後苑勾當官無定員以內侍充掌苑園池沼臺殿種藝雜飾以備游幸

文獻通考少府屬官染院掌染絲帛幣帛監官二人以京朝及內侍充

謹案宋有玉津瑞聖宜春瓊林四園置提領其餘皇城東西諸園池入官者咸以四提領分隸焉初以三班及

司令丞

續文獻通考金上林署屬工部官曰上林署提點

金史百官志少府監官屬織染署令從六品丞從七品直長正八品掌織紅色染諸供御及宮中錦綺幣帛紗縠

謹案金以上林署屬工部而花木局都監同樂園管勾兼隸之皆前代司農之所屬也宮苑司令丞屬于宣徽與宋內侍省之後苑勾當官相彷彿金不設內侍省故以爲宣徽之屬耳太府寺有典給署史稱卽古之鈞盾令唯典給署專以供給宮服用物不與園苑相關故不著于篇焉

元

〔元史百官志〕大都留守司屬官上林署秩從七品署令署丞各一員直長一員掌宮苑栽植花卉供進蔬果至元二十四年置○花園管勾二員掌花卉果木至元二十四年置

〔續文獻通考〕上林署隸大都留守所屬有養種園花園等職

〔元史百官志〕宣徽院屬官安豐懷遠等處稻田提領所龍慶栽種提舉司

謹案元制以上林署養種園花園等職屬之大都留守司與列代之制屬于司農少府者不同至稻田提領栽種提舉屬于宣徽蓋即令

玉泉山稻田厥之比至諸路織染局織染提舉司則盡屬之工部已見內務廣儲司織染篇茲不具述焉

明

〔明史職官志〕上林苑監左右監正各二人正五品左右監副

各一人正六品監正監副後不常設以監丞署職左右監丞各一人正七品其屬

典簿廳典簿一人正九品良牧蕃育林衡嘉蔬四署各典署

一人正七品署丞一人正八品錄事一人正九品監正掌苑園

池牧畜樹種之事凡禽獸草木蔬果率其屬督其養戶栽戶以時經理其養地栽地而畜植之以供祭祀賓客宮府之膳羞凡苑地東至白河西至西山南至武清北至居庸

關西南至渾河並禁圍獵良牧牧牛羊豕蕃育鵝鴨鷄皆

籍其牝牡之數而課孳卵焉林衡典果實花木嘉蔬典蒔藝瓜菜皆計其町畦樹植之數而以時苞進焉洪武二十五年議開上林院度地城南自牛首山接方山西並河淮比圖上太祖謂有妨民業遂止永樂五年始置上林苑監設良牧蕃育嘉蔬林衡川衡永鑑及典察左右前後十屬署洪熙中併為蕃育嘉蔬二署以良牧川衡併蕃育永鑑林衡併嘉蔬典察四署分併入宣德十年始定四署正德間增設監督內臣共九十九員嘉靖元年裁汰八十員革蕃育嘉蔬二署典署林衡嘉蔬二署錄事續文獻通考永樂五年三月辛巳復改上林署為上林苑監秩正五品有左右副丞典簿之屬凡設十署秩正七品俱以內臣及文職相兼為之後革內臣

明史職官志司苑局

掌印太監一員管理簽書監工無定員掌蔬菜瓜果內織染局

掌印太監一員掌染造御用及宮內應用段疋城西藍靛廠為此局外署

謹案明制大農太府少府等屬官皆裁併于六部不別設官惟上林苑監承漢時舊制而特設為一司初設十署後定為四署而宦官別有司苑局以主在內宮苑初制上林苑監督所署內侍至九十九員之多其後雖旋從裁減而內苑局管理簽書亦無定員蓋禁近游觀掌于內侍者居多此立法之所以不古若也考自周禮園人屬於司徒漢則少府水衡分主其事至上林苑令之設隸於司農者自後漢始列代皆因而不改苑總監始於隋而增廣於唐世然仍隸司農也宋始以三班及內

侍分主四園提領之職而明乃概以宦者領之則益無足稱矣

國朝勅立奉宸苑內外

禁園專設卿二人以綜理其事復

特簡管理事務內大臣以總其成檢校勾當職掌昭然蓋即

苑園之設而

聖天子順時對物之義已備著於設官分職之間矣

太倉錢清貽初校

南海桂 玷覆校

番禺陶福祥再覆校

欽定歷代職官表卷四十

內務府武備院表

武庫合武庫分武庫合武庫合武庫合武庫合	武庫合武庫分武庫合武庫合武庫合武庫合	武庫合武庫分武庫合武庫合武庫合武庫合	武庫合武庫分武庫合武庫合武庫合武庫合	武庫合武庫分武庫合武庫合武庫合武庫合	武庫合武庫分武庫合武庫合武庫合武庫合	武庫合武庫分武庫合武庫合武庫合武庫合	武庫合武庫分武庫合武庫合武庫合武庫合	武庫合武庫分武庫合武庫合武庫合武庫合	武庫合武庫分武庫合武庫合武庫合武庫合	武庫合武庫分武庫合武庫合武庫合武庫合	武庫合武庫分武庫合武庫合武庫合武庫合							
秦	漢	後漢	三國	晉	宋	齊	梁	陳	北魏	北齊	隋	唐	五代	宋	遼	金	元	明

職官表卷四十一 內務府武備院表 廣雅書局

沙河鹽
作二人

掌本院題奏事件核銷錢糧總理四庫收發文移之事郎
中康熙二十一年設主事康熙十六年設委署主事六十
一年設後省乾隆二十二年復設

北鞍庫員外郎二人庫掌二人署庫掌一人傘房掌蓋二人初

正六品乾隆四十四年定為戴藍翎署掌蓋三人正八品班領三人署庫掌一人帳

房處司幄三人三等侍衛銜署司幄三人六品職銜鞍板司匠

一人

北鞍庫掌供奉

上用鞍轡繖蓋幄幕之事傘房帳房處鞍板作皆屬焉

南鞍庫員外郎二人庫掌二人署庫掌一人熟皮作司匠一人

南鞍庫掌官用鞍轡各項皮張兩緜絲帶之事熟皮作屬

焉康熙十五年設鞍庫員外郎等官三十七年分為北南

二庫四十三年添設員外郎二人初設掌傘帳房頭目匠

役催領等員乾隆二十四年改為掌蓋司幄司匠員額均

先後增定

甲庫員外郎二人庫掌二人署庫掌一人鍛作司匠三人

甲庫掌盛甲刀仗旌纛器械之事鍛作屬焉員額康熙十

五年以後陸續增定

氈庫員外郎二人庫掌二人署庫掌一人司匠一人司弓三人

六品職銜署司弓三人食八品俸司矢三人同司署司矢三人同署

食七品俸髑頭作司匠一人靴皮作司匠一人

禮庫掌弓箭靴鞋氈片之事。髀頭作靴皮作屬。馬康熙十五年設員外郎及弓匠協領備箭協領等員。乾隆二十四年弓匠協領改爲司弓備箭協領改爲司矢。

歷代建置

三代

周禮天官幕人下士一人。府二人。史二人。徒四十人。掌帷幕帟綬之事。○掌次下士四人。府四人。史二人。徒二十人。掌王次之法以待張事。

周禮夏官司甲下大夫二人。中士八人。府四人。史八人。胥八人。徒八十人。○司兵中士四人。府二人。史四人。胥二人。徒二十八人。掌五兵五盾各辨其物與其等以待軍事。○司

戈盾下士二人。府一人。史四人。胥二人。徒二十八人。掌戈盾之物而頒之。授旅賁及虎士戈盾及舍設藩盾行則斂之。○司弓矢下大夫二人。中士八人。府四人。史八人。胥八人。徒八十人。掌六弓四弩八矢之法辨其名物而掌其守藏與其出入天子之弓合九而成規。凡師役會同頒弓弩各以其物從授兵甲之儀。○繕人上士二人。下士四人。府一人。史二人。胥二人。徒二十人。掌王用弓弩矢箠矰弋決拾。掌詔王射贊王弓矢之事。○藁人中士四人。府二人。史四人。胥二人。徒二十人。掌受財于職金以齎其工。弓六物爲三等。弩四物亦如之。矢八物皆三等。箠亦如之。

周禮考工記冶氏爲殺矢。桃氏爲劍。函人爲甲。矢人爲矢。

梓人爲侯廬人爲廬器弓人爲弓爲天子之弓合九而成規

杜佑通典武庫令丞於周官司甲司弓矢等下大夫司戈盾等中士下士蓋其任也

謹案成周有司甲司兵司弓矢司戈盾等官杜佑以爲漢武庫令之比至王之用弓弩矢箠掌於繕人授財齎工掌於藁人亦皆爲夏官之屬唯幕人掌次屬於天官與今北鞍庫所屬之掌蓋司幄爲職相近其甲兵戈盾則似今之甲庫司弓矢亦與今韃庫之司弓司矢同而考工記所載諸工卽今四庫所隸之各司匠也周天官玉府掌王之玩好兵器凡獻兵器受而藏之內府云凡

齒革兵器皆入焉秋官職金云入其金錫於爲兵器之用凡此諸職皆與軍器相聯而玉府內府已爲內務府廣儲之職職金所掌亦不止武備之事其所云爲兵器之府者卽在夏官司甲司兵等屬中茲故不具載焉
商子來民篇湯武旣破桀紂海內無害天下大定築五庫藏五兵

謹案周禮無武庫之名而商子稱湯武築五庫藏五兵則當時儲兵之府亦以庫名卽後世武庫所自昉也故淮南子原道訓云葉公入乃廢太府之貨以予眾出高庫之兵以賦民高庫卽五庫之類也管子小匡制重罪入以兵甲犀脅二戟輕罪入以蘭盾鞞革二戟小罪入

以全鈞分宥簿罪入以半鈞無坐抑而訟獄者正三禁之而不直則入一束矢以罰之美金以鑄戈劍矛戟試諸狗馬惡金以鑄斧鉏夷鋸鑷試諸土木其云入兵甲犀脅二戟又云入蘭盾鞞革二戟又云入鈎金束矢皆當入五兵之庫矣其云美金以鑄戈劍矛戟則當如漢考工若盧之主作兵器也又考司馬法定爵篇云右兵弓矢禦及矛守戈戟助凡五兵五當長以衛短短以衛長註云五兵弓矢及矛戈戟也蓋兵器眾多而以五兵為最要故五兵各設一庫商子所謂五兵五庫蓋謂此也周禮夏官司兵掌五兵五盾各辨其物與其等以待軍事然則五庫長吏當即司兵之屬矣

秦

戰國策天下之強弓勁弩皆自韓出谿子少府時力距來皆射六百步之外注韓有谿子弩又有少府所造二種之弩

謹案戰國策注謂二種之弩造自少府則秦之少府當如漢之考工尙方矣漢少府屬官有考工尙方猶其遺制

漢

漢書百官公卿表少府屬官有若盧如滄曰若盧官名也藏兵器品令曰若盧郎中二十人主弩射漢儀注有若盧獄令主治庫兵將相大臣考工室臣瓚曰冬官為考工主作器械也尙方漢官儀尙方令掌工作刀劍諸物及刻玉為器等令丞○中尉屬官有武庫

令丞

謹案漢書如淳注謂若盧藏兵器臣瓚注謂考工主作器械則是考工主作而若盧主藏也然後漢百官志注及玉海謂考工令主作兵器弓弩刀鎧之屬器成則傳金吾入武庫是考工兵器既藏若盧又藏武庫也考漢書左將軍請召王商詣若盧詔獄孟康曰黃門北寺也黃門在禁中則若盧亦當在禁中武庫既屬中尉或與若盧有內外遠近之殊歟又考若盧有獄攷工亦有獄漢書劉輔傳共工獄蘇林曰考工也然則考工亦有獄矣考工若盧皆主兵械易匿不詭法令尤密故置獄歟又考工主作兵器尙方亦主作兵器故漢書劉更生典

尙方鑄作事韓延壽鑄刀劍鉤鐔放效尙方六典注蔡倫和帝時爲尙方令作祕劍皆其事也然尙方又兼作禁器故古今注尙方故事有司南記里鼓漢書哀帝罷尙方御府技巧靡麗之物呂強上疏亦謂中上方歛諸郡之寶故漢官儀以尙方掌作刀劍諸物及刻玉爲器而崔實尙方令箴比諸古之玉府也蓋較諸考工所造彌巧而所聚百珍尤非外府可擬矣今之養心殿造辦處職近于是故與內務府表互載焉

史記平準書武帝時邊兵不足乃發武庫工官兵器以贍之

通典武庫署令兩漢曰武庫令屬執金吾

謹案漢杜欽爲大將軍武庫令田千秋子爲洛陽武庫令武庫令屬之洛陽與若盧之屬禁中顯異若大將軍武庫令則又武庫之屬於大將軍者蓋其職不常置故表志不載爾

漢書高帝本紀七年蕭何治未央立武庫太倉

王應麟玉海漢武庫屬中尉執金吾有令丞專主兵器而天子又自有若盧以藏兵器考工室以主作器械考工令主作兵器弩弓鎧之屬器成則傳金吾入武庫

文選西京賦武庫禁兵設在蘭綺

三輔黃圖高祖斬白蛇劍藏於寶庫惠帝卽位以此庫貯禁兵名曰靈金內府

謹案漢制少府若盧考工室尙方之官主藏兵器作器械考若盧兼治詔獄故與內務府之慎刑司篇互見尙方令亦兼掌刻玉爲器之事故與廣儲司屬亦互見而武庫令設於高帝之初後屬執金吾所轄繕治造作皆度大司農錢與少府所屬似不相同故田蚡傳稱蚡嘗請考工地蓋宅上怒曰君何不遂取武庫明武庫與考工不同掌也然考史記稱邊兵不足乃發武庫工官兵器以贍之則是武庫爲天子御用之兵器初不以給行軍之用惟因外兵不足故權發以濟事而所謂工官者意卽考工尙方之類故張衡西京賦亦有武庫禁兵之稱是又典主禁兵之明證也又考工令作兵弩刀鎧成

則傳執金吾入武庫是武庫中固自有御用軍器之藏
蓋一官而兩司其事矣茲故詳考職掌並採錄於篇中
後漢書百官志太僕卿官屬考工令一人六百石本注曰
主作兵器弓弩刀鎧之屬成則傳執金吾入武庫及主織
綬諸雜工左右丞各一人○執金吾官屬武庫令一人六
百石本注曰主兵器丞一人

〔通典〕後漢有考工令丞屬太僕主造兵器成材武庫令
唐六典注蔡倫和帝時為尙方令作祕劍皆有龍泉太阿
之目倫器械精密為後世法

謹案後漢以考工令丞成造兵器蓋即西漢考工室之
職其屬之太僕者以太僕掌御仗儀衛故併隸之輿服
志稱矛戟幢麾弩服藏在武庫即其職也漢又有洛陽
武庫自西漢時已有之則分主軍國之用而不與御器
相關矣

三國

〔通典〕漢武庫令屬執金吾考工令屬太僕魏因之○漢末
分尙方為中左右三尙方魏因之

謹案三國官制多承後漢如尙方令主作兵器屬少府
武庫令屬中尉執金吾魏改執金吾仍為中尉而武庫
隸之蓋猶前代之制也

晉

〔晉書百官志〕衛尉統武庫等令丞左右省○少府統中左

右三尚方等令丞

唐六典漢武庫令六百石晉因之

通典漢末分左右中尚方晉因之自過江惟置一尚方哀帝以隸丹陽尹

謹案晉武庫尚方與漢魏同唯過江省三尚方為一後復隸丹陽尹為少異考中左右三尚方史不言其所掌以隋唐之制例考之中署掌供內營造諸職蓋如今之營造司故不列於表惟左署掌造弓箭弩戟器仗等則如今武備院韃庫之屬右署掌造甲冑裝刀斧鉞等則如今甲庫之屬而東晉併三為一則又合其事於一官也

宋齊梁陳

唐六典宋尚書庫部屬官有武庫令掌軍器齊因之梁衛尉寺統武庫署令丞掌甲兵及吉凶儀仗

通典宋齊武庫令丞屬尚書庫部梁陳屬衛尉卿○梁官三品曹位北武庫丞南武庫丞

宋書百官志宋武帝踐祚以相府部配臺謂之左尚方而本署謂之右尚方並掌造軍器又以相府細作配臺即其名置令一人隸門下孝武改曰御府後廢帝初省御府置中署隸右尚方則漢之考工令如今之尚方令尚方令如今中署矣

通典齊置左右尚方令各一人

隋書百官志梁少府置中左右尙方等令丞○衛尉卿統武庫令○陳承梁並因其制官

謹案宋齊以武庫屬尙書之庫部蓋已非僅供御器械之職梁陳屬衛尉掌甲兵及吉凶儀仗是又兼主儀衛亦以其職守所在固自相通也惟少府左右尙方皆主造軍器而左尙方之職爲尤近蓋右尙方嘗改名中署由細作配臺而設近於魏晉之中尙方宋書雖言漢考工令如宋之尙方漢尙方令如宋之中署其實漢自有御府一府與中署相同而尙方令則仍在御府及宋中署之外也至梁陳之三尙方則一如魏晉之制矣

北魏

後魏書奚康生列傳康生彎弓十石梁聞康生能引彊弓特作大弓兩張長八尺把中圍尺一寸箭粗殆如今之長笛送康生康生平射猶有餘力卽表送置之武庫

謹案後魏官氏志有衛尉少府而無武庫尙方諸官唯諸署令有三品列於從第八品第九品從第九品蓋武庫署諸職皆在其內史第統言之而未爲詳列故無可考證也

北齊

隋書百官志衛尉掌禁衛甲兵領武庫掌甲兵及吉凶儀仗等庫署令武庫又有修故局丞掌領匠修故甲等事○太府事統中左右三尙方等署令丞

謹案北齊武庫掌甲兵而兼儀仗蓋如今鑾儀右所掌
繖蓋儀刀弓矢槍及戟之事但武庫職制歷代相承凡
御用軍器並歸掌理故與鑾儀衛篇互見以著其實三
尚方皆領別局而左尚所領之器作蓋於軍器為近也

後周

通典後周官正五命夏官武藏中大夫正四命夏官小武
藏下大夫正三命冬官鍛工函工等上士正二命夏官司
弓矢司甲司稍等中士冬官鍛工函工鞞工韋工等中士
正一命夏官司工矢司稍司甲司刀盾等下士冬官弓工
箭工鍛工函工鞞工等下士

冊府元龜後周武帝四年置軍器監軍器有監自此始也

玉海後周武帝建德四年正月戊辰初置營軍器監

謹案後周制官如成周武備職在夏官冬官中至軍器
監之設實自後周始蓋本漢考工尚方諸職而改置之
者抑以其時戰爭方亟廣造軍器而別為立監亦不專
為御府器械而設也

隋

隋書百官志衛尉寺統武庫等署令丞○太府寺統左尚
方內尚方右尚方等署令丞○少府監煬帝置統左尚右
尚內尚鎧甲弓弩等署令丞後廢鎧甲弓弩二署

唐六典開皇中三尚方俱屬太府寺煬帝始改隸少府左
尚方掌造車輦繖扇稍毼弓箭弩戟器仗刀鏃等事右尚

方掌造甲冑具裝刀斧鉞及皮毛雜作等事隋少府有甲
鎧署弓弩署

謹案隋武庫掌於衛尉與前代同三尚方初隸太府後
改隸少府并增設甲鎧弓弩二署今考左尚方掌造弓
箭與弓弩署俱為今禮庫之屬右尚方掌造甲冑與甲
鎧署均為今甲庫之屬既有左右二尚故甲鎧弓弩二
署不久而旋廢也左尚兼掌造車輦繖蓋為今鑾儀衛
右所之職故並從互見焉

唐

唐書百官志少府監官屬右尚署令一人從七品下丞四
人從八品下掌供十二閑馬之轡每歲取於京兆河南府

加飾乃進凡五品三部之帳刀劍斧鉞甲冑紙筆茵席履
舄皆儗其用皮毛之工亦領焉監作六人有府七人史二
十八人掌固

唐六典衛尉等武庫令掌職天下之兵仗器械辨其名數
以備國用丞為之貳

唐書劉黑闥列傳初秦王建天策府其弧矢制倍於常逐
黑闥也為突厥所窘自以大箭射卻之突厥得箭傳觀以
為神後餘大弓一長矢五藏之武庫世世寶之

唐書百官志軍器監監一人正四品上丞一人正七品上
掌繕甲弩以時輸武庫總署二一曰弩坊二曰甲坊主簿
一人正八品下錄事一人從九品下武德初有武器監一
人正八品下掌兵仗

廢牧少監一人丞二人主簿一人七年廢軍器監八年復置九年又廢貞觀六年廢武器監開元以前軍器皆出右尚署三年置軍器監十一年復廢為甲弩坊隸少府十年六年復為監有府八人史十二人亭長二人掌固四人弩

坊署令一人正八品下丞一人正九品下掌出納矛稍弓矢排弩刀鏃雜作及工匠監作二人有府二人史五人典事二人貞觀六年改

弓弩署為弩坊署甲鎧署為甲坊署甲坊署令一人正八品下丞一人正九品下掌出納甲冑綬繩筋角雜作及工匠監作一人有府二人史五人典事一人

唐六典北都軍器監開元初屬少府監十六年移向北都掌營造甲弩之屬辨其名物審其制度以時納於武庫少監為之貳馬丞掌

判監事凡材革出納之數工徒罷寡之役皆督課焉主簿掌印及勾檢稽失錄事掌受事發辰甲坊署令丞監作隋

府有甲鎧署唐改焉弩坊署令丞監作隋有弓弩署唐改焉各掌其所造之物督其繕造辨其粗良丞為之貳凡財物之出納庫藏之儲

備必謹而守之

唐六典乾元元年軍器監改為軍器使以內官為之貞元四年自武德東門築垣約左藏庫之北屬宮城東垣於是

武庫遂廢其軍戎器械隸軍器使

謹案唐少府之左尚署掌供翟扇繖蓋五輅七輦而無復隋時兼造弓箭弩戟之職蓋自開元以後分立軍器

監有甲坊弩坊二署以專司其事故左尚不復主之其自開元以前軍器皆出左尚署則尚與隋同茲從其改

表至右尚掌十有二閑之鞍轡與今北鞍庫同職而刀劍甲冑則又有甲庫兼職至甲坊弩坊與今甲庫擅庫又適相合矣武庫令掌天下之兵仗器械不專爲御用之職惟以軍器監所繕造皆以時受而入之則其所儲藏者首以供御爲重亦可考見矣

五季無考

宋

宋史百官志衛尉寺掌儀衛兵械甲冑之政令舊制凡武庫武器歸內庫守宮歸儀鸞寺本寺無所掌元豐制行始歸本寺其屬有內弓箭庫南外庫軍器弓鎗庫軍器弩劍箭庫掌藏兵仗器械甲冑以備軍國之用儀鸞司掌供幕

帑供張之事軍器什物庫宣德樓什物庫掌收貯什物給用則按籍而頒之中興後衛尉寺入工部○軍器監國初戎器之職領於三司冑曹案官無專職熙寧六年廢冑案乃案唐令置監以從官總判元豐正名始置監少監各一人丞二人主簿一人監掌監督繕治兵器什物以給軍國之用少監爲之貳丞參領之凡利器以法式授工徒其弓矢干戈甲冑劍戟戰守之具因其能而分任之量用給材旬會其數以考程課而輸于武庫委遣官詣所隸檢察凡用膠漆筋革材物必以時課百工造作勞逸必均歲終閱其良否多寡之數以詔賞罰器成則進呈便殿俟閱試而頒其樣製於諸道卽要會州建都作院分造器械從本監

職官表卷四十一
比較而進退其官吏焉元祐三年省丞一員紹聖中復置
政和三年應御前軍器監所頒降之軍器樣製非長貳當
職官不得省閱及傳寫漏洩論以違制分案五置吏十有
三所隸官屬四東西作坊掌造兵器旗幟戎帳什物辨其
名色謹其繕作以輸于受藏之府兵校工匠其役有程視
精粗利鈍以爲之賞罰作坊物料庫掌收鐵錫羽箭油漆
之屬皮角場掌收皮革筋角以供作坊之用南渡置御前
軍器所建炎三年詔軍器監併歸工部東西作坊都作院
併入軍器所紹興三年復置丞一員令工部相度合管職
事歸之十一年詔復置長貳各一員十四年以朝奉大夫
趙子厚守軍器監宗室爲寺監長貳自此始隆興初詔置

造軍器已有軍器所隸工部本監惟置丞一員乾道五年
復置少監及簿六年以少監韓玉往建康點檢物馬以奉
使軍器少監爲名是年復置監一員淳熙初元詔戎器非
進入毋輒出所由是呈驗寢省二年錢良臣以少監總領
淮東財賦八年沈揆復以監長行諸監長貳自是始許總
餉外帶然二人實初兼版曹職事嘉定十四年岳珂獨以
軍器監總餉淮東是後戎所作坊已備官於下宥府起部
並提綱於上監居其間事務稍簡特爲儲才之所焉○軍
器所隸工部提點官二員紹興三十二年詔於邊臣內差提轄監造官各二
員幹辦受給監門官各一員掌鳩工聚材製造戎器之政
令舊就軍器監置別差提舉官以內侍領之紹興中改隸

工部罷提舉官日輪工部郎官軍器監官前去本所點檢省視後復以中人典領工部侍郎黃中以為言請復隸屬從之孝宗卽位有旨增置提點官以內省都知李綽為之改稱提舉免隸工部後以御史張震力爭復隸工部後改隸步軍司尋復舊紹興元年減省員額如上制

玉海熙寧元年十二月二十二日以内臣張若水閤門使李評提舉編擇增修弓弩若水造神臂弓六年六月二十七日己亥初置軍器監以三司胄案為監命呂惠卿曾孝寬判之制度皆著為式凡一百十卷雜材一軍器七十四件物二十一襍物四添修及製造弓弩式十卷七月甲寅置內弓箭南庫儲御前所製七年正月十二日庚戌惠卿

等上裁定中外所獻槍刀樣又上編成弓式初京師及諸路戎器雜惡河朔尤甚至是所製兵械皆精利其後詔以新造軍器付諸路為式遣官分諭之○宋軍器五庫在崇政殿東橫門外掌禁兵器衣甲槍弩箭各為一庫又有什物庫在清平坊涓化二年置揀選衣甲器械庫熙寧六年置內弓箭南庫儲御前所製軍器命官提舉建炎七年以軍器衣甲內弓箭南內外七庫併為一名曰內軍器庫紹興二年什物庫亦併入七年正月置軍器局於建康十一月罷乾道五年重修內軍器南庫

謹案宋軍器之職始領於三司胄案其後乃置軍器監以統領之衛尉寺之內弓箭軍器弓鎗等庫定於元豐

之改制遂合唐之舊職至南渡後立御前軍器所而以軍器監及內弓箭等庫並隸工部未幾旋置提舉遂以內侍領其職則失慎重戎器之政矣自是或隸工部或差內侍變更不一皆不得為定制也軍器監有衣甲槍弩箭五庫頗似今四庫之制而宋時諸庫置在禁近實兼為兵戎之用而設與今武備院規制亦略有不同

遼

遼史百官志諸坊職名總目某坊使某坊副使某坊詳衮使某坊詳衮某坊都監八坊內有軍器坊

謹案遼北面之軍器坊使蓋承唐甲坊弩坊之官屬於軍器監者而設至南面官悉如唐制則衛尉之武庫少

府之尙方亦必與唐代不殊今以史文不詳並從缺焉

金

金史百官志殿前都點檢司屬官器物局提點正五品使

從五品副使從六品掌進御器械鞍轡諸物直長正八品

都監正九品

明昌三年省罷

同監從九品

泰和四年設

武庫署令從六

品丞從七品掌收貯諸路常課甲仗

以曉軍器女直人充

武器署提

點從五品令從六品丞從七品掌祭祀朝會巡幸及公卿

婚葬鹵簿儀仗旗鼓笛角之事直長正八品

或二員頓舍官

二員

泰和令總格作四員

正八品直長

見士民須知泰和令無

○少府監屬官

尙方令一人丞一人軍器監承安二年設泰和四年罷復并甲坊利器兩署為軍器署直令丞直長直隸兵部至宣

元年復爲軍器監軍器庫利器署隸焉舊轄甲坊利器兩署監從五

品少監從六品丞從七品掌修治邦國戎器之事直長正

八品泰和令無總格有○八作左右院使一人副使一人掌收軍

須軍器

謹案金以武庫武器二署屬之殿前都點檢而器物局

提點專掌進御器械鞍轡等物置使副使以重其職猶

今武備院卿之所掌也軍器監始隸兵部後復別設八

作左右院亦似宋之將作監屬官改而別置皆掌軍須

軍器蓋進御器械固非專職而成造監製恆必由之器

物局但掌儲藏供進而已故並列於篇中

元

〔元史百官志〕大都留守司屬官器物局秩從五品掌內府

宮殿及御用各位下鞍轡瑚格原作忽歌今改正轎子帳房凡精

巧之藝大使一員從五品副使一員正七品直長二員正

八品吏目一員司吏二人中統四年始立御用器物局受

劄至元七年改爲器物局其屬成鞍局提領三員掌造御

用鞍轡象轎中統四年置羊山鞍局提領一員掌造常課

鞍轡諸物至元十八年置刀子局提控二員掌造御用及

諸宮邸寶貝佩刀之工中統四年置轎子局提領一員掌

造御用異樣木植鞍子諸物中統四年置

謹案元制御府器備盡領於大都留守司其設官最爲

詳備如器物局大使統掌都用及各位下鞍轡蓋如今

武備院卿之職其成鞍局提領專掌御用鞍轡如今北鞍庫羊山鞍局提領掌常課鞍轡如今南鞍庫刀子局提控如甲庫之司轎子局提領亦北鞍庫之所理也

〔元史百官志〕武備寺從三品掌繕治戎器兼典受給卿四員正三品同判六員從三品少卿四員從四品丞四員從五品經歷知事各一員照磨兼提控案牘一員承發架閣庫管勾一員辨驗弓官二員辨驗筋角翎毛等官二員令史十有三人至元五年始立庫器監秩四品十九年陞正三品二十年立衛尉院改軍器監爲武備監秩四品隸衛尉院二十一年改監爲寺與衛尉並立大德十一年陞爲院至大四年復爲寺所轄屬官則自爲選擇其匠戶之能

者任之

謹案元武備寺承唐宋之軍器監而設其所掌兼各路軍器與今院職不同今因其時以武備名官其屬官皆寺所自選足爲武備院考證故並採錄於篇中

〔元史百官志〕尙乘寺從三品掌上御鞍轡及領隨路局院鞍轡等造作收支行省歲造鞍轡等事卿四員正三品少卿二員從四品丞二員從五品經歷知事照磨管勾各二員至元二十四年罷衛尉始設尙乘寺領資乘庫

謹案元尙乘寺事務其初爲太僕及衛尉所掌後廢衛尉特設寺官所掌有上用鞍轡及隨器鞍轡則亦今北鞍南鞍二庫之所掌也

明

明史職官志工部所轄皮作局鞍轡局軍器局大使一人副使一人凡軍裝器械下所司造牌符火器鑄于內府禁其以法式洩於外

王圻續文獻通考皮作局掌硝熟皮張成造靴鞋鞍轡兵仗局掌造各項軍器每局設大使一人正九品副使一人從九品皆于流官內選用隸工部

明史職官志宦官兵仗局

掌印太監一員提督軍器庫太監一員管理僉書掌司寫字監

工無定員掌製造軍器火藥司屬之

盛甲廠

即舊鞍轡局掌造軍器

謹案明代不設軍器監而以皮作鞍轡軍器諸局隸之工部至於上用兵仗則以宦官之兵仗局盛甲廠理之

戎器之政視前代尤為疎畧矣考天文奎十六星著於垣象為天之武庫聖王象之重戎兵之制故成周夏官冬官各有戈盾弓矢之職而職金玉府所藏以良兵器與祕器圖球並重漢自蕭何營未央宮輒首及武庫之建而考工尙方隸於少府其職亦非輕也晉宋以後遞有變易而大概不殊自後始立軍器監而唐因之甲坊弩坊專掌繕造史稱秦王大弓長矢藏之武庫蓋帝王威御之器歷世寶藏與漢武庫藏高祖斷蛇劍者同意至宋而弓箭弩劍等庫初隸衛尉後入工部南渡置御前軍器所每用內侍為提舉廷臣力爭始隸工部此所以戎兵不飭而國勢日弱也金元設官進御器械鞍轡

諸物與御仗鸞儀恆相兼攝而元之器物局尙乘寺尤
臻詳備迄於明室自工部所隸而外一委之宦者之手
而宦官所掌自司禮御用寶鈔銀作等司局統轄甚爲
詳密惟至進御器械則止有兵仗盛甲二職亦未嘗視
之爲重務是其玩褻戎兵聲靈靡振古聖王張皇六師
作弧矢以威天下之制蕩然盡失卽漢唐慎重戎器之
意亦無復存矣我

朝自

列祖

列宗神武開國初設鞍樓肅掌武器自後改爲武備院隸內務
府典之以三品卿職復

特簡大臣管理事務以重其職守

皇上天授聖武自行圍進哨閱武校射咸

躬御甲冑弓矢

命將出師則頒發甲仗弓矢以震懾

天威武備院卿敬供厥事每修繕器械必進呈

睿覽文覃武爍赫業肅莊洵非歷代飭戎之政所得比隆於
萬一者矣

